



Australian Government

COVID-19 VACCINATION

Boc 6 mac óttu 4 bosórja bazu fuwain ollá COVID-19 véksin mara wosíyot gorá giyyé

07 Séptembor 2022

Australia'r Firazárani mahér ókkol, Australian Technical Advisory Group on Immunisation, é COVID-19 véksin marar wosíyot goijjé boc 6 mac óttu 4 bosórja fuwain ollá zará firazárani cókti komzur goijjá, maazuri ola, ar cíyaikka ar/yá hoekkán sehéti mockilat ola ziín é hora COVID-19 or hótora barái diyyé.

Ecé oi fuwain cáamel asé zaráttu lamar gín yáto héborabor mockilat ókkol asé:

- Firazáranir buniyadi yáto dusóra dorjar hora nakami, zeçé kensar or jari elaj, yáto firazárani ré homoinna elaj ókkol cáamel asé.
- Háñdhdir fáñc yáto buniyadi furza ókkol bodolilaga yáto chimeric antigen T-cell (CAR-T) or elaj;
- Cíyaikka foidaeci dilor bearam;
- Niyác or rastar bezuiti yáto hámicáiya féccar bearam;
- Kisím 1 diabetes mellitus;
- Rog yáto rog-gusso mutallek hámicáiya mockilat ókkol; yáto
- Fotti dinna hazhormo ókkol ót barbar modot lagede ekkán maazuri, zeén neki hora demagi lulá yáto Down Syndrome (Trisomy 21).

Fuwain itaráttu COVID-19 ór becí ocúk óibar hótora baráya asé. COVID-19 ólla véksin mara ye hótora yaán óre homaide.

Boc 6 mac óttu 4 bosórja fuwain zaráre laayek kisím ót lecthí gorá noóza hítarattu COVID-19 ór hora ocúk óibar hótora becí niso asé. Ehón thaim ot oggúa COVID-19 véksin loibollá hítararé wosíyot gorá **noóza**.

Boc 6 mac óttu 4 bosórjja fuwaindé hon véksin loifaribó?

Boc 6 mac óttu 4 bosórjja laayek fuwain oré COVID-19 véksin 2 foijjal loibollá, wosiyot gorá giyyé 8 háfta duré gorí diyazaibo. Komzur goijjá firazárani cókti ola bazu fuwaind óttu 3 foijjal lagitfare. Boc or sílsila ibár fuwaindé Spikevax (Moderna) véksin loibar laayek.

5 bosórjja adde híar woror fuwaindé hon véksin ókkol loifare?

Boc 5 bosórjja adde híar woror fuwain beggún é ehón COVID-19 véksin loifaribó.

5 bosórjja ar híar woror fuwaindé Moderna yáto Pfizer COVID-19 óttu honó oggúa loifaribó. 5 bosórjja ar híar woror fuwain oré COVID-19 véksin or 2 foijjal loibar wosiyot gorá giyyé, 8 háfta duré goríyore. Firazárani cókti komzur goijjé bazu fuwain ottú 3 foijjal lagitfare.

Yaán beétor déki boc 5 borójja adde híar woror fuwaindé duní foijjal ókkol ólla ekhí marhár véksin ókkol loonsá.

COVID-19 véksin adde oinno véksin ókkol

Australian Technical Advisory Group on Immunisation é wosiyot goijjé déki boc 6 mac óttu 4 bosórjja fuwaindé hítarar COVID-19 véksin adde oinno véksin ór mazé 7 óttu 14 din entezar goribó, taáke zor or dhíolla dháikka asór ókkol ór hótora ré zeddúr fare homaibólla.

Baháral, COVID-19 véksin óre oinno véksin ókkol ór ekhí thaim ot diyaza, zodi alog alog thaim diya mockil órdde óile, zeén neki duré zaga ókkol ót baármikka zaar program ókkol.

Zodi tuñár fuwa ttú COVID-19 accíl

COVID-19 or theés pozítiv ói baade, hítara COVID-19 véksin loibar age, tuñár fuwa ye 3 mac entezar goróonsá. Zodi tuñár véksin marar laayek óile, sárme thaim thík goijjá COVID-19 véksin mara fura goróonsá 3 mac baade zeddúr joldi mumken. Hítaralla wosiyot goijjá foijjal ókkol beggín tuñár fuwa ye ehónloonsá.

Añár fuwa ye oggúa véksin loibollá hoñótte añái epóinmen or nam leká difariyúm?

Boc gurúp ibár laayek fuwain ollá nam leká diya ókkol kúla asé Véksin Kiliník Tuwoonir zoriya:
<https://covid-vaccine.healthdirect.gov.au/booking/>

Niyom more cek gorí gorí saiyó, zehón firazárani gorí doiya ókkol é nuwa epóinmen ókkol diyat tákibo.

Beec maalumat



Beec maalumat ollá, gólicoó www.health.gov.au, yáto National Coronavirus Helpline óre 1800 020 080 ot koól goró. Maana buzádiyar hédmot ólla ekteyar 8 sibo.